

# REIWELSKERCHER

## KERWERED

# 1991



Auf zur  
Reiwelskercher Kerb  
vom 2.- 6. August 1991

- |      |       |                                         |
|------|-------|-----------------------------------------|
| 2.8. | 19:00 | Schlachtfest                            |
| 3.8. | 20:15 | Tanz mit der Kapelle Toplights          |
| 4.8. | 14:00 | Kerweumzug, anschl. Kerwered            |
|      | 20:15 | Plattenparty mit<br>Diddy's und Berny's |
| 5.8. | 10:00 | Frühschoppen                            |
|      | 20:15 | Tanz mit der Kapelle<br>Enterprise Duo  |
| 6.8. | 19:00 | Kerweausklang                           |

An allen Tagen Altbierausschank  
und Barbetrieb

Großer Vergnügungspark

Gunn Daach ehr Bürscher un Bürscherinne !  
Ich hann mich do owwe hinegestellt  
fer eich die Neiichkehde se iwerbringe.

De Bäm hängt fescht - guggene eich oh !  
So e schöner finnener sunschd nirschendwo.

Fer die Kerwered han ich mich umgeheerd  
un uffgeschreb, was iwers Jahr so alles basseerd.  
Es is jo e Schann,  
was mer do iwer manche Leit berichde kann.

Net alle falle aus de Reih,  
doch dofohr sin e paar jed Jahr debei.  
Ach - was du ich do lang erum lamedere -  
ehr duns jo glei selwerd here.

Bevor ich eier Schanndade weider kann berichde,  
du ich noch e Gläsje Wei venichde.

**Proscht ! ! !**

# **Keramische Harmonie**

zum Beispiel: Wohnraum

**VILLEROY & BOCH**



**FLIESEN-STUDIO**

Verlegefachbetrieb



6761 Bisterschied, Kirchstraße 11, Tel. (0 63 64) 690

Jetzt fange mer glei med em erschde oh.  
Der stehd aach net ganz sauwer do.

Vorsjohr simmer an Kerwemondaach durchs Dorf gefahr,  
fer de Leicheschmaus sesammesetrah.  
Un wie jed Johr ware die unnehdische Bloser debei -  
se nenne sich de Reiwelskeier Musikverei.

Mer wolle uns beim Leicheschmaus jo net blameere  
un de Kerwegäschd ordendlich se Esse präsendeere.  
Desweje du mer aach uff de Heef un bei de Geschäfdsleit vebeimarschiere,  
das dud sich als es meeschd rendiere.  
So hun mer uns das gedenkd  
un unser Roll Richtung Hans-Hermann gelenkd.

Die Roll hot noch net richdisch an de Linn geschdann,  
do hot de Musikverei wie doll se blose ogefang.  
Vun dem Schdändche wars Doris ganz schä gerierd  
un is glei met zwo Tabledde Beleeschde aus de Backstubb marschierd.

Un ehr Leit - ich kanns immer noch net glaawe -  
do dud das Doris vor unsere Ave Richtung Musikverei laafe.  
Uff die Beleeschde hot sich die Straußjuhend schunn gefreit,  
doch dann sinn mer all blaß wor vor Neid.  
De Musikverei hot die ganze Beleeschde gefreß  
un die Straußjuhend is leer ausgang - es Langbrot hot uns was gescheß.


Un Kerwedinnschdaachs muschd sich de Junior a noch blameere  
un de Straußjuhend fers Brod drei Mark sechzisch abkässeere.

# Tankstelle Getränkemarkt

Vogelhandlung / Tierbedarf

Gartenartikel

Fotokopien



Udo und Sabine Linnebacher

Hauptstr. 2  
6759 Nussbach  
Tel. 06364/413

Do unne uff em Eck do hummer äner sitze,  
der bringd so manchie Fraa ins schwitze.  
No jeder Mussik werd sich bei dem getroff  
un noch e Tässje Kaffee gesoff.

So hot sich das no e paar Jahr ergeb  
un immer mie Fraue a unner de Woch hiene getrebb,  
doch das Kaffeekränzje hot net lang gereicht,  
do hot de Pitt die Fraue in die Sauna geschickt.

Un es is jo bekannt, daß mer in de Sauna gut kann schwitze,  
un das ohne Klamotte - ich mach jetz Kä Witze.  
Un daß das gesund is, wisse ner jo ah.  
Das hot sogar unser Zeidungsfräa erfahr.


Entwerrer hots sei Neischier Richtung Pittsche getrebb  
orrer sei Gsundheitsbewußdsei - das wisse mer net.  
Un schinand is die Fraa jo ah,  
das war uns bisher ah net klar.

Das mer naggisch in die Sauna geht, hots jo gewuschd,  
awwer es Herta zeischd jo net jedem sei Bruscd.  
Do hots Pittsche gedenkt, er hätt äner gesoff,  
wie ers Herta met em Korsett in de Sauna hot ogetroff.

Herta, zum Schluß muß ich derr noch was saa:  
Zeig doch dei Bruscd, du biscd doch e Fraa !

**nn**  
**GETRÄNKE**  
**MARKT**

**MARGIT UND GÜNTER REPPERT**  
**HAUPTSTR. 34**  
**6759 REIPOLTSKIRCHEN**



**GÄRTNEREI**

**Gehrhardt - Mann**

Blumen- und Kranzbinderei

Schnittblumen

Topfpflanzen

Beet- und Balkonpflanzen

**6759 Einöllen**


Tel. 06304/372





Obst und  
Gemuese

Handel



Manfred

Becker

6759 Odenbach

Te1.06753/3366

Straßenverkauf in  
Reipoltskirchen:  
mittwochs u. freitags

Jetzt kumm ich zume Thema, das is schunn seit Johre aktuell,  
awwer in unserm Dorf geht halt net alles so schnell.  
"Unser Dorf soll schöner werden" war die Devise  
un geplant war e Dorfplatz met Brunne un Wiese.

Vorsjohr im Herbschd wars dann soweid:  
Do kame die Archidekde met Meder un Kreid.  
Die han gerecheld, gemold un geschrebb,  
do is ball Kä un bebaut Eck mie iwwerblebb.

Im Herbschd kam dann de Emrich an  
met seine Leit, die han e halb Johr geschafft wie im Wahn  
un es Plätzje fertischgeschteilt genau no Plan.

Doch de Archidekt hatt wahrscheinlich äner gesoff,  
weil bis heit is noch Kä Wasser aus em Brunne geloff.  
Un daß der ganze Platz e Fehlplanung is, das is bewiss,  
weil außerm Wasser fehlt ah noch die grie Wiss.

Em Gemänerad will ich zum Schluß noch was saa,  
awwer nemmens mer net krumm.  
E vertel Million is e Haufe Geld -  
dodefor hätte ner ah was Schäneres hinegestellt.

# ARAL - SB - Tankstelle

## Winfried Steinhauer

Kfz-Werkstatt \* Reifen  
Zubehör \* Wagenpflege  
Heizöl

6758 Lauterecken  
Saarbrücker Strasse 56  
Telefon 06382/505

**Neuwagen**

**Gebrauchtwagen**

**SB-Tankstelle ~ Waschanlage**



**Josef Sydow**  

---

**V.A.G. Autohaus**

Saarbrücker Strasse 67  
6758 Lauterecken  
Telefon 06382/563

Owwer unserm Bürgermäschder han mer äner wohne,  
der hot öfdersch äner in de Krone.  
Zwische Nußbach un Reiwelskerch trifft mer ne als oh  
un meischdens hot er do.

Im Friejohr isser bei sei Dochder no Nußbach geloff  
un hinnenoh hot er beis Haase Waltraud noch e paar Schoppe gesoff.  
Wie er dann Richdung Heimat is marscheerd,  
hot ers wirrer ganz schä gespeerd.

In Nußbach an de Tankstell hot mer ne noch venumm,  
awwer hinnerm Ortsschild war er pletzlich veschwunn.  
s'Kleine Albert hot dann glei sei Spur uffgenumm  
un de Bohley unne im Agger gefunn.

Do hot er gelee - es Gesischd met Blut veschmeerd.  
Un de Albert hot gefrohd: "Is der was basseerd?"  
Doch das hot de Rudolf nimmi kabierd  
un hot im Vollrausch erausgeblos:  
"Ich bin beim Laafe ingeschloof!"

Dann hun se ne ins Auto getraa  
un häm bei sei Fra Renate gefahr.


Rudolf, ich gebb der noch e guder Rat:  
Mer drinkt net mie wie mer vertraht!

Bekannt durch

# QUALITÄTSBACKWAREN

Ihre Brot- und Feinbäckerei

# HANS-HERMANN MÜLLER



6759 Reipoltskirchen  
Kegelbahnstraße  
Telefon 06364/323

Montag Nachmittag geschlossen

# Kurzmeldungen

\*\*\*\*\*

Freiwillige Feuerwehr Reipoltskirchen zeigte sich aktiv bei der Wasserfüllung eines Biotops des 1. Vorstandes des Feuerwehr-Fördervereins. Bei Arbeiten dieser Art steht Ihnen die Feuerwehr jederzeit gerne zur Verfügung.

Nähere Informationen erhalten sie unter der Telefonnummer 263 der Vorstandschaft.

\*\*\*\*\*

Hexennacht 91, Mühlstraße.

Nächtliche Entwendungsaktion fremder Gartenmöbel endete für den zukünftigen Schwiegersohn Bruno Habermanns mit Balkonabsturz.

Für weitere Flugstunden guter Fluglehrer gesucht.

Interessenten wenden sich bitte unter Chiffre 007 an den Verlag.

\*\*\*\*\*

Neuer Trend erfaßte 1991 immer mehr Mitbürger:

Teichfieber breitet sich seuchenartig unter der Bevölkerung aus.

Interessenten erhalten nähere Informationen beim Obst- und Gartenbauverein Reipoltskirchen.

\*\*\*\*\*


Junger gutaussehender modern gekleideter Automechaniker im stattlichen Alter fand sein Liebesglück in Kaiserslautern.

Nach längerem Fernbleiben Kontakt im Freundeskreis abgebrochen.

Noch vorhandene Lebenszeichen nimmt der Kellergeister-Club gerne entgegen.

# Hans Mannweiler KG

## Niederkirchen



B a u s t o f f e

BRENNSTOFFE / HEIZÖL

Güterverkehr

In der Schorndelle 1  
Tel. 06363/216

Das Jahr an Hexenaacht hot e paar junge de Deiwel gerett  
un enunner in die Muhl getrebb.

Es war nämlich Mussik am 30. Aprill  
un desweje wars in manche Heiser still.

De Cronnebach war aach mit vun de Pardie,  
deshalb sin se dort als erschdes hie.  
Do hunn se ihre Aue net getraut  
un vom Balkong es ganze Gardemewel geklaut.

Kaum hadden se alles uffs Plätzje getraa,  
do is de Edwin kumm un hot gesaa:  
"Ehr junge heern emoh -  
bringe das Mewel serick orrer ich zeich eich all oh!"

Mer hann uns nix aus seim Gebabbel gemach un driwwer amesierd,  
doch pletzlich is die Bolizei omarschierd.  
Uns alle wars schunn Angschd un Bang -  
es Lache war uns aach schunn vegang,  
awwer die Bolizei hot bloß gemähnd:

"Ehr junge Leit, heern emol, zu.  
Bringen das Zeich serick, dann hanner eier Ruh."  
Wie die Bolizei weg war, do hun mer noch e paar Fläschjer geleert  
un uns am Cronnebach seim Mewel gar nimmi gesteert.

Morjens hun mers dann met alle Mann serick getraa -  
do stand de Edwin uff em Balkong met seine Fraa.  
Die beide han gescholl un gekrich,  
weil es war e kläner Schade an seim Tisch.

Mer hun gesaa, dene Schade du mer begleiche,  
awwer de Cronnebach herd gar nimmi uff se Kreiche.  
Mer hadde uns dann zwar geeinischd,  
doch de Cronnebach is heit noch beleidischd.

Edwin - zum Schluß muß ich dich noch froe:  
Duschd du eischendlich immer glei met de Bolizei drohe?



# Gasthaus



## Zur Linde

Inb. Lydia Schultz

Hauptstraße  
6759 Reipoltskirchen

Montags Ruhetag

Jetzt kumme mer in die Kellebohn wie jedes Jahr,  
awwer dasmol net zum Hannelon.  
E Heisje vornedro han mer äner sitze,  
dem sei Aldie bringt ne ganz schä ins schwitze.

Als "Deutsche Eiche" isse bekannt  
un was die abzieht, is aach allerhand.

Met ihm Mann hot se sich nimmi so vetraa,  
do isse met em Ami fortgefahn.  
Ich kanns net so genau saa,  
awwer schwarz un reich - hot mer geheert - war er ah,  
bloß was em gefehlt hot, war e Fraa.

Die hot er dann in Reiwelskerch gefunn  
un hätt se sogar no Amerika metgenumm.  
Doch zu all dem isses leider net kumm:  
Angeblich is em Birgit sei Freind  
in Amerika durch e Autounfall ums Lewe kumm.

Do druff hine hot se widder zum Werner funn  
un hot einische geerbde Millione metbrung.  
In de Theaderstroß wolle se awwer es Birgit nimmi siehe.  
Desweje muß de Werner dehäm ausziehe.

Jetzt missen se nimmi uffs Geld schaue  
un uff de Juchee wollen se e Villa baue.  
Lumbes - fer dei nei Villa winsche mer der viel Glick  
awwer du besser uff dei Fraa schaue,  
sunschd dud se der noch emol abhaue.